

■ PUNTG DA VISTA

Il privel per Eveline Widmer-Schlumpf

DA CLAUDIA CADRUVI / ANR

Ella posseda cumpetenzza. Ella schlia crisas. Ed ella lavura cun in'energia nunditga. Schizunt quels parlamentararis che na vulan betg eleger Eveline Widmer-Schlumpf na sngan betg quai. Sch'i giess pia per la prestaziun da la ministra da finanzas fiss sia reelecziun ils 9 da december tant sco tscherta.

Avant quatter onns ha ella surmuntà il pli absolut gia en l'emprim scrutini e fatg il dubel da las vuschs dals cuntercandidats che la pps aveva purtà. Igl è stà ina reelecziun suverana. Quest onn pudessi vegnir pli grev. Ils barometers d'elecziun inditgeschan che las partidas da la dretga survegnan dapli vuschs e che las partidas dal center perdan.

Da l'autra vart prognostitgeschan ils barometers mo svaris minims. Da gliez anora n'èsi betg da spetgar ch'ils adversaris da Widmer-Schlumpf gudognian avunda sezs novs per spuranar la cussegliera federala senz'auter or da l'uffizi. Forsa spetgan ils privels propi gronds per la cussegliera federala era betg a Berna en l'assemblea federala, mabain gist en l'agen chantun.

Hansjörg Hassler banduna il cussegli naziunal. La pbd grischuna sto empruvar da defender quest sez. Sche quai na gartegia betg, fa quai ina nau-scha figura. I bittass dapli che mo ina sumbriva sin la cussegliera federala. Widmer-Schlumpf di gugent ch'ella saja

zaia sco ina chaura-chamutsch. Ma sche sia atgna partida perdess en l'agen chantun il sulet sez en il parlament federal fiss quai ina frida diraglia e probabel in motiv per capitular.

In auter privel exista sche la pps metta si precis cusseglier naziunal Heinz Brand encunter Eveline Widmer-Schlumpf. In Grischun encunter la Grischuna! Brand è sa profilà sco expert da migraziun. El s'adattass per il departament da Simonetta Sommaruga che s'occupa dals asilants. Cun quest departament surpigliass Brand gist anc l'obligaziun da metter enturn l'iniziativa d'immigraziun da massa. Quest fier buglient surlaschass il parlament o memia gugent ad insatgi da la pps.